



EXPOSITIO PARATITULARIS,
CUM INTELLECTU NOVO

& singulari, L. un. C. d. Suffragio,

In quâ precipuè agitur

DE

SUFFRAGATORUM

OPERA ET REMUNERATIONE,

VULGO DICT. AFFECTIONGELDE /

CUJUS

PARTEM PRIOREM

PRÆSIDE

DN. JOANNE OTTONE TABORE, J. U. D.

IN FLORENTISSIMA REIP. ARGENTORATENSIS

Academia Professore Publico, Præceptore suo

atq; patrono, omni honoris cul-

tu prosequendo,

Publica disquisitioni

In auditorio Jureconsultorum ordina-
rio exhib.

ANDREAS BRACKENHOFFER,

Argentoratensis.

Ad diem

Febr.



ARGENTORATI.

Typis JOHANNIS REPPIL.

ANNO M. DC. XL.

10.
8.


17

1640

(2 1/2)

ff-
ou-
lo-
de
em
ous
na-
rté
en-
on.
cif-
eris
er.
uti
at
cer-






Fragment of text from the adjacent page, including the words: re, fu, ti, n, Pa, ac, no, pl, ce, ga, id, ca, fia, ge, su, ta, rü, pe.



παρασκευασμα

Π Α Ρ Α Σ Κ Ε Τ Α Σ Μ Α

ET APPARATUS necessarius ad propositam tractationem: quo Constitutio L. un. C. h. t. contra veterum commenta, genuino sensu sit etiam adseritur: deinde recentiorum plerorumque omnium pronus in abrogationem hujus L. impetus, injecto uno alterove veluti suffamine sustinetur.



Ntequam enarrationem tituli
hujus ad imitationem & complementum
Optimi Antecessoris nostri M. Wesenbecij
accuratarum Digestionum aggrediamur,
duo nobis antevertenda & amolienda sunt
obstacula, quæ partim à Veteribus, partim à

recentioribus, objecta conspiciuntur iis, qui campum istum fuerint ingressi Etenim *Glossa Bl. Salic. Azo & veterum plerique* titulum istum exponunt de Advocatorum Salario: quos nonnulli etiam recentiores sequuti sunt, sed pauciores, *Guid. Pape in comm. ad h. tit. Sebastianus Nevius in Systemat. annot. ad h. t. & quod mirere, etiam Sichardus qui tamen vocabuli istius notionem penitus investigavit, cujus verba post rejectam gl. Explanationem ita habent n. 3. vos sic continuate: Supra diximus de certi conditione: sed quiapropter suffragia advocatorum nonnunquam certum eis salarium datur, quod potest certi conditione peti, ideo nunc ordine subiungit de suffragio, per quod merentur advocati salaria: Et majore à βλαβίας s. inconsiderantia nota dignus (ne fidelitate colligendi & industria, iudicij defectum in plerisque obtegeret,) Augustinus Barbosa in coll. et an. Cod. ad h. t. qui tamen se suffragium in not. ad rubr. rectè cum Neoter. definiturisset: in notis tamen ad ipsum textum παρασκευασμα veterum, de salariis advocatorum, exquisitis coloribus deducit ac pro materia legis venditat. Verùm politionibus deinde annis errorem hunc concordibus suffragiis*

fragiis, *Alciatus, Duarenus, Cujacius, Donellius, Gilckenius* &
aly mox allegandi, rationibusq; sat firmis, oppressere; quarum
summa ex paratilis ipsis apparebit; imò vel ex sola nominis
evolutione: unde palam futurum est mirum non esse si ve-
teres illi doctores, viri alioquin acutissimi hic aberraverint,
cum vocis vim non calluerint: *quod prædixit Arist. 1. Sophistic.
Elench. c. 2.*

2.

Nec abstinuere tamen recentiores nonnulli manum,
quin veterum vestigia prementes, ad fulcienda tradita sua
de salariis; hunc quoque locum allegarent. *Wesenbec. in pa-
parit. Mandati. num. ult. f. A. Faber. in Rational. ad l. 7. Mandati,*
& præterea eandem doctrinam hic explicarent. *v. Wesenb. in
Comm. C. h. t. n. 4.* Veriti scilicet ne otiosa dicerent & quæ usum
non haberent, postquam legem istam per *Novel. 8. & 101.* ab-
rogatam esse inter certissima & decretissima communiter
habuere Nomenclaturam eorum authorum copiosam pos-
semus exhibere, sed principes nominasse satis erit, sunt au-
tem in hac sententiâ. *Cujac. in Comment. ad Novell. 8. & in re-
cit. ad hunc tit. circa f. Gothofr. in gloss. Pancirollus 2. var. le-
ctio. 198. Diodor. Tuldenius in comment. C. ad h. t. M. Step-
hani in exposit. Novell. 8. n. 15. Wesenbec. in comment. C. h. n. 2. in f.
Gifan. ad l. un. h. t. in f. Gudelinus lib. 5. de jur. noviss. cap. 6. n. 16.
Paulus Christinæus volum. 1. decis. Belgicar. 6. n. 2. ubi Menock,
& Duaren. huic classi vel invitos, certè nihil hac de re dicentes ad-
scribit: Pereziius in exposit. C. h. t. subdubitat, hunc in modum
expositionem suam claudens: hanc legem unicam abroga-
re videtur Justinianus, prohibens hujusmodi suffragia mune-
rum, largitiones & promissiones fieri iis, penes quos est po-
testas conferendi Magistratus & officia.*

3.

Enimvero quo minus huic sententiæ Neotericorum,
quos aliàs merito suo veneramus, subscribamus, & totum
hunc titulum in spongiam sinamus incumbere, protesta-
tiones

tionem Imper. nostri & aliorum efficiunt, qui hanc à se suspi-
cionem enixè fatagunt amoliri, quasi uno vel altero verbo
totam aliquam legem velint evertere, *l. si quando. 35. C. de in-*
offic. test. sed ita habendum esse prædicant, ut quæ lege re-
centiori non inveniuntur, nominatim & specialiter, abro-
gata ea censeantur relicta fuisse veteris juris dispositioni, *l.*
præcipimus 32 §. ult. C. de Appellat. (Quod enim disertè non est
mutatum quare stare prohibeatur: *l. sancimus 27. C. de Testa-*
ment.) item quia id potius agendum sibi esse, juris studiosi
monentur, ut leges concordare discant, *Nov. 53. c. 6 in f.* quam
ut earum correctionem, *l. un. C. de inoffic. dor. cap. cum expe-*
diat 29. ibi: concordare jura juribus, & eorum correctiones si su-
stineri valeant, evitari. ext. de elect. & electi potestat. in 6. aut ex
unius speciei, totius generis abrogationem induci patiantur.
l. sanctio 41. de Pœnis, conf. Cont. r. disputat J. Clis cap. 13. P. Heig.
ad §. cum ex aliena 5. Instit. de Rerum divis. n. 5. Certè Impera-
torem legem illam, peculiari titulo, integram relaturum
non fuisse, quam voto jam aversabatur & veluti causam pu-
blicarum calamitatum detestabatur, verisimile est. *arg. l. 1. ff.*
ad L. Aquil. uti quidem alteram, quæ ipsi indecens videbatur,
constitutionem *l. 1. C. Th. h. r. à Codicis sui compage exclusit.*
conf. l. 4. §. 2. C. de offic. diversor. judicum, ibi: sine quadam suf-
fragij solutione percepturos. Quæ exceptio ut supervacua, etiam
delenda fuisset, si omne jus suffragiorum Imper. unius fidelia ducta
& litura voluisset sublatum.

Quod si jam constitutiones abrogatorias evolvamus, 4.
deprehendemus unius tantū generis suffragia, non univer-
sa, fuisse submota. Nam Justinianus *in Nov. 8.* & Tiberius
(*2. uti putatur*) *in 161.* agunt de Præsidibus & Magistraribus,
quod vel inscriptiones docent, circa quorum ordinationem &
constitutionem tota Imp. cura occupatur & consumitur,
ne illi per sordes & ambitū promoveantur: *uti prolog. & epi-*

log. ostendit, itaque præcipiunt ut ii fiant sine pecunia vel suffragio, sive ut Græcus textus habet *χωρὶς τῆς διασῆν δόσεως. d. Nov. 8. rubric.* utque illi cingula sine mercede percipiant, omni jure aut more contrario sublato & interdicto: *d. Nov. 8. præfat. §. 1. & passim.* E diverso in lege nostra unica ne verbulo quidem præsidum aut magistratum, vel ambitus sit mentio. Malè ergò provisio atque abrogatio ad legis istius & universorum suffragiorum excidium producitur. *l. un. §. ii. f. C. de caduc. toll. Nov. 2. c. 3.*

5. Quamvis autem adversus ista regei possit illud vulgatum: ubi eadem ratio legis apparet, ibi eandem quoque legis dispositionem obtinere; *idq; non tantum extensive sed & comprehensive, arg. l. his solis 7. ibi: satis enim fuisse cautum putamus C. de revocand. donat.* & ut nonnulli volunt etiam in correctoriis constitutionibus extensionem fieri debere, si alias resultet absurdum. *Jason in l. fratres 27. n. 4. C. de inoffic. testam. Rol à Valle consil. 27. n. 6. & seq.* Atqui absurdum sit, suffragia emere & beneficia principis esse venalia: Ideoque dicendum etiamnum illud probabile relinqui, Impp. suffragia in universum displicuisse.

6. Moveri tamen non debemus: Etenim ut alia, quæ ad priorem propositionem excipi poterant, omittamus: planè hic diversa apparet prohibitionis ratio in Novellis; & permissionis in nostra lege unica. Agunt enim *Novella uti d. de Præsidibus & Magistratibus* quos nolunt dare aliquod suffragium, neq; pro administratione quamlibet donationem *d. Nov. 8. c. 7.* ideò, quia *τὸ ἀργυρολογεῖν τὰς ἀρχὰς πάσης ἐστὶ πονηρίας περιμίον τε καὶ πέρασ,* ut inquit Imperat. *in præfat. Nov. 8 c. 1.* idest, pecunias ex officiis conquirere, omnis nequitia, omniumq; flagitiorum principium est & finis: Quiverò istud? dices: Respondet Imperator, *in pr. præfat.* quia hoc modo subditi Imperii ad extremam rediguntur paupertatem & neq; consueta & legitima tributa nec publicum censum possunt persolvere?

solvere: Requires amplius, quomodo istud contingat? Ex-
plicat hoc amplius Imper. *in prafat.* Cum enim retro Impe-
ratores semper aliquid lucri caperent, *ἐν τῆς ἐπι τὰς ἀρχαῖς προ-
σαγωγῆς*, ex promotionibus ad officia (vulgata obscurius ex
proventu iudicium) *nimirum difficillimis implicati bellis*, &
cum nulla expedienda pecunie ratio celerior appareret quam hono-
rum licitatio, *vid. Bod. d. Repub. cap. 2 pag. 651.* Juxta & exem-
plum horum sequerentur gloriosissimi prafecti: Ex hac in-
justitia damnis subditorum bonis illatis, eadem collatori-
bus non potuerunt sufficere. Adhuc clarius §. 1. *vers. an cer-
te:* quoniam qui aurum dat & ita administrationem emit,
non dat hoc solum quantum occasione suffragiorum in-
ventum est; sed & aliud amplius pollicetur his, qui admini-
strationem illi dant, aut spondent: neces- *em* est manus
circumire & palpare plurimorum & domum onem quam de
suo largiri nequeat, fortè mutuo sumere & quidem sub-
ufuris: quæ omnia postmodum à provincialibus vicissim
extundenda sunt. *Quæ causa etiam allegata fuit à majoribus no-
stris in gravaminibus contra palliorum Archiepiscopatum v. t. t.
ext. de Autorit. & usu pallii. (Episcopis enim ea non nisi ex privile-
gio competunt c. cum in juventute ext. de prafumpt.) nudationes
& Simoniacas exactiones, veritas in c. i. & t. t. ext. de Simonia &
ne aliquid, can. novit. 3. distinct. 100. nimisq. pretiosas, das solche
Auslagen mit grossen beschwerden der Untertanen / wis-
derumb müssen erholet werden. v. D. Otton. c. 18. de Jur pu-
blico p. 413. Reink. lib. 3. class. 1. c. 8. n. 24.* Postquam enim functi-
ones & officia nacti sunt hi tales per suffragia promoti, quis
locus tutus & quæ causa potest esse excusata, quando sic in
proclivi est veneranda justitiæ templa expugnare, *uti in re s-
mili loquitur Imperat. Leo in l. si quenquam 31. C. de Episcop. &
Cler.* Cum hi multos quidem reorum dimittant vendentes
eis delictum, plurimos autem innoxios condemnent, ut
noxios



noxii præstent : hinc gemitus & querelæ omnium ordinum , & seditiones civitatum. Furantur enim isti sine periculo & latrocinantur sine reatu , putantes licere sibi quocumque modo vicissim cogere in administratione , quæ ejus obtinendæ causa profuderunt : nec quisquam ex supremis magistratibus audet eos redarguere , nisi eos cum obstinatione regerentes audire velit , se cingula emisse. *in f. d. præfat. conf. cap. ii. d. N. 8.* & jure gentium quæ emeris vendere licere, *Senec. lib. i. de benef. c. 9.* Porro cum subditi animadvertunt, apud magistratus argentangina laborantes omnia crimina esse venalia auroque venialia: Lucii Neratii, *apud Gellium 20. N. A. cap. i.* animum moresque induunt: Ex qua væcordia postmodum homicidia , adulteria , raptus virginum, & alia scelera multiplicantur. Recte ergo suffragia ista, totius nequitie principium & terminus judicantur, & quia talia sunt, diro execrationis carmine è Rep. proscribuntur.

7.

Hæ, inquam, rationes sunt istarum Novellarum, quæ legi nostræ nullatenus possunt applicari. Namque ut hoc interim demus Pancirollo, contrariam causam foventi: desideria in jure etiam preces significare: *2. variar. cap. 198. med.* Pone tamén omnes cordati lectores, inspecto textu nostro, negabunt desideria hæc, generatim nuncupata, ad solas eorum preces qui magistratum petunt, debere aut posse restringi. Cum ut advocati omnis generis desideria iudicibus: ita multo plures precum formas, easque licitas, æquas & utiles, suffragatores principi, extra ambitus causam possint commendare. *Ut in paratitl. explicabitur.* Certè ratio dd. Novellarum, plerisq; desideriorum causis non convenit. Quis enim dicat litem quam cum vicino quis de servitute stillicidii habet, principi non esse commendandam per suffragia, aut eo nomine interpellandum esse neminem; quia hinc infinita scelera & exitium Reip. suboriatur. Aut quia
stillici.

filicidio suo per suffragii auxilium citius impetrato, in perniciē egregij publ. quis abusus sit. Quem v. ille privatus qui hoc favore fretus, beneficium aliquod à principe impetravit, aut honores, per bullam Nobilitatis vel Comitivæ Palatinatus &c? quem inquā ille impetrans vicissim excutiet; aut cui ideò delicti gratiā facere poterit. Deniq; si desiderio potitus eo perperam usus fuerit, cur verecūdetur Imp. vel summus Magistratus revocare beneficium, cui iste nihil possit sordium improperare? Cur debitis illum nequeat castigare modis & suppliciis? Uno verbo nihil hinc periculi Reip.

Nec absurdum aut inconveniens est, aulicos vel alios claros viros pro opera commendationis aut sollicitationis, id est, procurationis negotii, honorarium vel munus oblatum pactumve acceptare; cum ea nemini per leges imponatur necessitas, ut gratis cuiquam inserviat, aut cum intertrimento propriæ utilitatis provideat alteri. *per allegat. Wesemb. paratit. de postulat. d. n. 3. & in paratit. de contrar. tut. & util. act. n. 4.* Quia enim officia ejusmodi aliis exhiberi vix possunt quin à propriis interim negotiis quis avocetur, *L. sed si quis 7. quemadmodum testam aper.* dum omnes articuli temporum & momenta commoditatum in aulis & admissionibus apud principem captanda sunt. *fac. c. cum non deceat 30 de Elect. & Elect. pot. in 6. v. qua inf. d. th. 18.* Imò nec in publicis causis damnosa cuiquam debent esse officia *L. inde licet 29. Ex quib. caus. maj. ne dum in privatis. l. si servus 61. §. quod vero, versic. idq., ibi: multo tamen equius esse nemini officium suum, quod ejus cum quo contraxerit, non etiam sui commodi causa suscepit damnosum esse. de furtis.* Ne igitur & aulicus vel alius vir honoratus principi gratus & officiosus dispendium patiatur, unde videatur præmium meruisse *verbis utimur c. pervenit 2. de fidejussoribus.* invidenda ipsi non est remuneratio: *adhibeantur textus in l. si pater 34. §. ultim. de donation.*

B

cum

cum parallelis. Quam præterea supplicanti, sive operam
suffragatoris expetenti, consuadet & tantum non imponit
naturalis quædam obligatio ad *dividua* L. *sed et si*. 25. §. *consu-*
luit de pet. hered. & ingratitude declinatio, L. *Aquilius Re-*
gulus 27. *de donat. junct.* L. *hoc jure* 19. §. *in eod.* quæ et alias a-
ctionem non producant. L. 54. §. *1. de furt. Duaren. de O. & A.*
cap. 2. Donell 12. com. 2. C. Schifferdec. l. 3. disp. foren. tr. 26. c. 1. & seq.
per tot. accedente tamen civili causa effectu pleniore fuit
munita. Deniq; præstatur suffragii præmium, nō ut pretium
mercedis aut illicitæ corruptelæ: sed ut hostimentum grati
animi, cui in magnis aliquando angustiis ab hoc suffragio-
rum auxilio, venit levamentum. d. l. *si pater*. 34 §. *1. de donat* ibi
non merces eximii laboris appellanda est, quod contemplatione sa-
lutis, certo modo estimari non placuit c. finite. de Censibus. Vivian.
in rational. ad c. 1. & 10. De simonia.

9.

Cujus causæ intuitu nec in speciali quidem isto suffra-
gii negotio, cum de magistratu & potestate adipiscenda agi-
tur, Iustinianus omnem planè sustulit remunerationem, sed
excessum tantum & corruptelam, N. 8. c. 7. *vers. sciat n. ibi ul-*
tra ea quæ occasione consuetudinum à nobis iis definita sunt. Spe-
ctare eò etiam videtur honorarium quod decuriones pro
contractu dare solebant L. *spuri* 6. §. *1. de Decurion.* L. *si sponsus*
5. §. Marcellus 17. *de donat. in er. virum & ux.* (qua loca è *Brissonio*
Zypæus lib. 1. de Judice. cap. 32. n. 7. vitiosè ut solet, descripsit) &
milites, L. *pen. §. pen. & alt. de Legat. 3.* Item Enthroniasticum
Episcoporum, ex *Nov. 123. cap. si quis 3.* (*Gothof. in inscript. ca-*
thedraticum vocat: quod tamen canones pro Synodatico sumunt.
can. placuit caus. 10. q. 3.) quod sublatis licet, in illa quoq; am-
bitus specie, suffragii Juribus, voluit tamen Imperat. ipse de-
pendi. Hodie remunerationem istam usus, respectu Cleri
quidem abrogavit: *Zypæus d. c. n. 8.* respectu autem pontifi-
cis longe uberior remunerandi officii ratio suffecta est, nem-
pe anna-

pe annatarum pontifici solvendarum. de quib. v. Duar 8. de be-
nef. 3. Gothofr. in not. ad Nov. 123. c. 16. Molinæus in Ed. contra
parvas datas.

Concludimus ergo: non omnibus promiscuè in cau- 10.
sis suffragiorum jus abrogatum, donationemve aut remu-
nerationem istam aliquo J. C. l. i. impeditam non esse, liceat ver-
bis utilis §. ult. de donat. ut vir. & ux. sed suam huic constitu-
tioni vim, utinam sine extensione illicita! etiamnum constare:

Atq; hæc ita pro assertionem istius constitutionis nec. E- 11.
sario præmittenda fuere; ne in re planè inutiles operam, fru-
tum scil. in ineptis laborem, quod ex illo Catulliano refert We-
senbec. in paratit. de vulg. & pub. subst. n. ult. posuisse nos quis-
quam rerum istarum peritus, jure queat arguere. arg. §. 3. &
4 præm. Inst. & d. l. 1 ad L. Aquil. nunc quod instituiamus, subii-
ciamus, sit ergo hæc

Constitutionis istius PARATITULARIS Expositio.

1. **D**uarenus in comment. h. titulum istum particulam quandam Conti-
& appendicem vocat superioris tractatus, si certum petatur: nuatio.
pertinere enim eum ad locum de officio judicis in certi conditione:
cum in hac conditione, judici illud spectandum sit, an causa promif-
sionis sit justa nec ne. sequitur Perezius in parat. h. n. 1.

Verum quia hæc ratio ἀλληλίας nimis generalis est: Cujacius
in ea non acquiescit, sed in comment. & parat. ad Codicem Theodosia-
num nos jubet respicere: Alibi, conferendo & applicando d. codi-
cem, clarius docet: Duplicem olim fuisse actionem si certum petatur,
unam de Chirographis de qua tit. in C. Theod. Alteram de suffragiis.
Inde priorem esse titulum, Si certum petatur: & sequi titulum de
suffrag. Hæc Cujac. ad l. 1 §. jubet 9. de collat. bon pag 1743.

2. Dicamus adhuc clarius: Continuationis rationem rectis.
colligi è C. Theod. ejus n. lib. 2. tit. 27 ita inscribitur: si certum petatur
de chirographis. tit. 28. de pecunia sequestratione prohibita tit. 29. si certum
petatur de suffragiis. Hic cum adverterent Justiniani Codicis artifices,
titulum 29. propius accedere ad inscriptionem & materiam tituli 27.
quam titulum interjectum de sequestratione: siquidem conditionis
certi species hæc duæ nobiles & notabiles sunt: si certum petatur de chi-

chirographis (sive si mutuum syngrapha fuerit contractum: v. C. A. de reb. cred. th. 19.) Itemque conditio si certum petatur de suffragiis. C. A. d. lo. th. 42. sequestrationes autem veluti contrariae conditionum juri inveniuntur Wesenbec. in comment. C. h. t. cum iis prius executio creditori inferatur, quam iudicio ille fuerit convictus: C. A. d. t. thes. 32. inf. Ideò rejecto in posteriorem locum titulo intermedio: post conditionem eam quæ ex iurejurando oritur, & rem religiosam concernit; de profanis causis primùm proposuerunt in novo Codice constitutiones de conditione certi in genere agentes: Et quia constitutio ea, quæ posita erat sub tit. C. Th. si cert. pet. de chirograph. (incipiens: super chirographis mortuorum hanc servari volumus perpetua observatione sententiam) excludebatur è Justin. Cod. Ideò titulum etiam specialem istum expunxere; ita tamen ut de hac conditione in l. ultim. tituli illius generalis quantum expedire videbatur, agerent, ipsius Justiniani constitutione substituta. (quæ incipit super chirographariis instrumentis hæc pro communi utilitate sancienda duximus:.) Relinquebatur ergò titulus de suffragiis, cujus priore lege rejecta; lex posterior sola hæc rubricam occupavit quæ est de suffragio.

Etymologia.

3. Vocis suffragii (à Justiniano jure civitatis Græcæ donatæ Nov. 8. c. 1. ibi. ἡ δὲ φροσύνη τῶν καλεμένων σὺφραγιῶν) ignorata veteribus indoles hallucinari ipsos & labi circa hujus cōstitutionis sententiam fecit: uti d. in apparat. itaque vis ejus diligentissime cognoscenda est. Et glossa quidem vocem hanc à fragore, id est, sono deducit: cujus derivationis causam, aut quid ea sibi velit glossa, nescire se ait Duarenus in comment. ad hunc tit. Sichardus rigidius cum glossa agit, illamq; simpliciter errare pronunciat: cum suffragium non à fragore: sed à suffraginibus sit dictum, in comment. C. h. t. n. 1. subiicit tamen num. 2. glosse somnium pulchrè torqueri hodiè posse in advocatos clamorosos & indoctos, qui foro nihil inferunt præter fragorem. Hæc Sichard.

4. Ut autem verum est suffragium deductum esse à suffragine seu flexura crurum in animalibus; ita casus cognatione conjunctum esse id vocabulum fragori, haud absurdum est dicere; utrumq; enim à frangendo doctissimis Grammaticorum derivatur. Becman. orig. in voce fragor. Enimverò cum suffraginibus illis animalia maximè polleant fruunturque in connitendo, hinc orta videtur primum vox suffragari, quæ conniti adjuvare & sublevare, l. quisquis 95. de legat. 3. l. ult. C. de jur. & facti ign. l. un. C. si contra matris voluntatem l. ult. C. de ill. 12. C. de Episcop. Aud. quemadmodum refragari ejus contrarium; hoc est, obniti & repugnare; significat l. ult. C. de obseq. patron. præst. l. secundum 27. C. de evict. & locis alii à Briffon. notat. pag. 562.

s. Hu-

5. Hujusmodi adnifu cum olim in civitate illi quam maximè *Homonymia.*
sublevarentur, qui vocibus & votis atque scitis senatorum aut ci-
vium, in foro, aut comitiis vel in iudicio egerent; ideò vota ipsa, suf-
fragia, primùm dici cœpere, uti videre est ex locis à Brisson. collectis pag.
613. vers. suffragia pro vocibus & scitis, qui vers. in C. A. de rebus cred. th. pen.
n. 1. translatus & ibid. illustratus est. addi quoq; potest l. ult. C. de silent. & de-
curion. eorum: lib. 12. tit. 16. l. spurri 6. §. ult. de decurion. quod jus suffragij à
jure civitatis pendeat. Flor. lib. 86. Alex. ab A. lib. 4. gen. dier. 10.

6. Postea cum potestate ad unum revocata comitiis è campo
in curiam translatis, Tacit. 1. Annal. 15. haut usque liberis amplius votis
negotia ejusmodi transigerentur: sed ex arbitrio principum deside-
ria subjectorum vectigalium & fœderatorum populorum pendeat:
precibus atque intercessionibus eblandiendâ fuit gratia principalis:
Hinc suffragia pro intercessionibus atque commendationibus usur-
pata reperiuntur: teste Cujac. in parat. hic. quomodo explicare licet c. 6.
in f. ext. de celebrat. missa. ut per suffragia vivorum pro mortuis, intercessio-
nes, preces & commendationes eorum intelligamus.

7. Porro quia candidati aut clientes votis & commendationi-
bus ejusmodi auxilium sibi latum aut beneficium collatum agnosce-
rent, suffragium etiam ad ipsum auxilium & favorem significandum
traductum est. v. Rosin. lib. 8. antiq. cap. 6. in secund. part. l. 12. tabb. l. 3.
verb. suffragia sunt: & suffragari idem notare, quod auxilio alicui esse, vi-
sum fuit. P. Gregor. 49. syntagm. c. 8. n. 3. v. l. 6. §. 1. C. de temp. in integr.
rest. l. hi qui. 3. C. de Apost. ibi hominum carere suffragijs: id est auxiliis mu-
tuis: ubi tamen Gothofred. commercia subintelligit l. pactum curat. 22. ibi
adulta etatis suffragium, id est, favor. C. de pactis l. in criminibus 1. C. si ad-
versus del. & c. Quod præcipuè notandum est ad explicationem l. eorum 4. C.
de malef. & mathemat. quæ pessimè vulgo tractatur: ut in vindiciis ad con-
stit. Carolin. d. d. sumus ubertim. ostensuri.

8. Incessivè denique compotes votorum animos redhostien-
di beneficia ardor justissimus: Aliquando prolectandæ benevolen-
tiæ & promptitudini necessaria fuit etiam prævia liberalitas, quæ
cum ob suffragia prænominata intercederet, nomen fecit ipsi aucto-
ramento aut honorario: sic enim pro dono & munere suffragium
sumi. Duaren. Cujac. & alii supra laudati authores è recentioribus no-
tavère: per l. laudabile 4 §. 2. l. per hanc 7. ibi: gratis & sine ullo suffragio
C. de Advocat. div. jud. 2. & in inser. Nov. 3. ut iudices sine quoquo suffragio
siant. ubi Iustin. scripsit $\chi\omega\pi\epsilon\ \delta\iota\alpha\sigma\tau\epsilon\ \delta\omicron\sigma\epsilon\omega\varsigma$. d. l. ult. C. de silent. & decur. eorū
lib. 12. tit. 16. Nov. 123. c. 2. §. 1. ibi: ut nullus per suffragium auri. conf. Pan-
citoll.

ciroll. 1. var. lection. c. 77. pag. 51. ubi vocem suffragij inter ea verba recenset qua à posteriore aetate recepta sunt : quod de postremis istis significationibus intellectum velim, locus omnium elegantissimus, omnibusque studiosis memorandus est in l. 1. C. de off. Magistri. off. quæ aures ipsis vellit, jubetque ne tam promoveri desiderent suffragio, (sc. pecuniâ, favore & pudendis artibus aliis) quàm LABORE.

9. Eadem dicendi figura occurrit in voce pignoris, quæ & contractum & rem denotat. v. C. A. de pignor. act. th. 5. & de pignorib. th. 2. itemque in voce pacti. C. A. de Pactu. th. 2. (quæ inter alia, quod ibidem ommissum est, etiam rem seu pecuniam quæ pacti causa datur significat lege etiam 3. C. de obseq. patron. prest. Cujac. & Gothofr. h.) & in vocabulo mutui l. 2. de reb. cred. ubi C. A. th. 4. num. 5. Feudi. 1. feud. 4. cap. 1. Gothofr. Anton. d. 1. th. 2. c. & similibus. Ad eamque significationem respicit Germanica vocis suffragii appellatio, cum in aulis quorumcunque magnatum inter honestissima cupiditatis peripetasmata habetur, das affection geld.

Synonymia & Paronymia.

10. E qua multiplici vocis acceptione dignoscenda sunt verbi istius tum synonyma hactenus recensita; tum paronyma: ut suffragationis, & suffragatorum, l. militem 2. C. de procurat. id est, fautorum. Gifan in comment. C. ad l. 7. & suffraganei, qua in indicantur Episcopi qui subsunt Archiepiscopo, vel metropolitæ. Cujac. ad cap. cum non ab homine 10. ext. de iudi. facit l. antiqua 22. extr. & privileg. Can. Scitote caus. 6. q. 3. Tum præterea distinguenda etiam est, ex diversa vocis acceptione, tractatio hujus constitutionis. Utcunq; enim in principio legu nostre, illa tantum significatio vocis obtinere possit, quæ suffragium sumit pro commendatione intercessione vel auxilio, illis verbis principii: ferri sibi a quoquam suffragium postulaverint: in verbis tamen fin. §. ult. aliter, & quidem pro ipso munere pecunia seu remuneratione usurpatur. Quid quod utriusque rei tam intricata est notitia, ut animus æquus bonique cupidus in iis quæ hactenus à scriptoribus tradita sunt, haut tuto possit acquiescere. Seorsim ergo de suffragatione seu intercessione, tum deinceps de suffragio seu remuneratione dispiciamus.

PARS PRIOR.

DE SUFFRAGATIONE.

Definitio rei.

II. Suffragium pro suffragatione sumptum definitur à Gifan. in comment. C. h. s. favor, quem quis officium aut beneficium à principe

cipe petenti præstet Rectius August. Barbos: *ad rubr. collect. in Cod. h. t. quod sit intercessio apud principem alicujus rei impetrandi causa, sive ut Donell. in comment. C. h. 7. commendatio honorifica alicujus de aliquo apud principem aut populum, ad honorem aut beneficium aliquod à principe vel populo obtinendum, comparata. Nos ita describemus: quod suffragium sit intercessio grati apud superiorem hominis, qui negotium alterius intuitu præmii, illi commendat.*

Distinctio.

Distingui possunt intercessiones istæ à materia, quod sint vel licitæ vel illicitæ: à forma quod vel sinceræ sint vel fucatæ atque fumo-
sæ, utrumq; ex dicendis clarius patebit.

12. Enimverò orta videtur hæc suffragandi ratio, cum effecta & jure suo, de quo postea, à difficultate accedendi principem, plurimis & magnis negotiis destinatum & distentum: cum enim princeps, sua scientia cuncta complecti non possit, Tacit. 3. *Annal. 69.* cum pauca audiat, pauca videat: Xenoph. 8. *Cyropæd.* Ideo alienis indiget oculis & auribus, id. *ibid.* Lipsius 3. *polit. 2.* idque ut in aliis causis publicis & regimen status, aut curam domus principalis concernentibus: ita multo magis in his quæ desideria spectant singulorum.

Causa Pro-
catalactica.

13. Suffragationem autem istam quatenus ea licita est, expedire solent: (1) Amici Principum: *liques vel sanguine juncti*, veluti Uxor, cui Justinianus, ut alias, ita in hac quoque suffragiorum causa constituenda plurimum tribuit, *Novell. 8. c. 1.* Liberi, qui enim Imperatibilibus istis ad parentes veniant suffragatores: *arg. l. ult. C. de curat. Furiosi l. 8. quod metus causa (unde & vox affectus, aliquando liberis ipsis designandis fuit adhibita l. 11. C. de decurio)* itemque cognati alii, *arg. l. 4. §. ult. de re milit. vel (2) ministerio*, ut Præf. Prætor. Comites aut palatini alii, qui cum ob consuetudinem quotidianam apud principem plerumq; gratiosi sint: *favoris & mignons*: ideò præcipuè juvare aliorum desideria possunt, *l. 223. de V. S. & hinc plurifariam captare ex hac causa munera solent*: Unde Duaren. constitutionem istam non dubitavit *aulicam* vocare. *Comment. C. h. & 2. disput. 21.* Medici, Barbitonfores & qui alii apud principes in gratia esse solent: *v. P. Matthæi lib. 2. historiar. Henrici Magni narrat 2. num. 13. Le Comtad. Provincial. pag. 1.* Aliquando etiam extranei principes, magnates, legati, qui sæpenumero pro miserabilibus personis interveniunt:

Causa efficiens pro-
xima, &
qui suffra-
gatores esse possint.

14. Possunt deniq; omnes alii *h. l. pr. ib. à quoquam vel non l. ult. de Offi. præfect. Vig. l. 4. C. de contrah. stip. l. 6. §. 1. C. de advoc. 1.* qui non prohibentur: Uti quidè nominatim hac de causa vetantur principem accedere MILITES, in *l. militem 7. ibi: vel quasi suffragatorem accedere*

C. de:

C. de Procurat. qui ne parentes quidem suffragatione sua juvare possunt, *d. l. 7.* cum utilitas Reipubl. cui in castris militem invigilare decet, caritati parentum & liberorum anteponenda sit. *l. postliminium 19. §. transfuga in f. de captiv. & postlim. revers.* Gifan. *ad d. l. 7.* quam prohibitionem *Dd.* & ad Clericum tanquam militem Christi extendunt. *Salycet ad l. 7. n. 4. & Riminald. ibi.* Eoꝝ non parum facit *l. omne 43. C. de Episcop. & cler.*

Materia
Objectiva,
& quæ de
sideria
suffragiis
juvanda
non sunt.

15. Objectum suffragationis sunt desideria: quæ Pancirollus, (quod dicere occupavimus) malè cum reliquis ad honorum tantum desideria sive ambitum redigit: Fatemur enim ea desideria quæ ambitum spectant, principi per modum suffragiorum, hoc est spe aut invitatione præmii, (*hæc enim cum commendatione gratuita & ultronea incautè confunduntur*) insinuanda non esse: Sive de functione Ecclesiastica laboretur, *l. si quemquam 31. ibi: nemo gradum sacerdotii pretii venalitate & ibi. nec precio sed precibus ordinetur C. de Episcop. & cler.* Cosmas Guymier ad sanctionem pragmat Gallie pag. 176. & seqq. (Ubi preces importunæ, præsertim pro indigno, inducunt Simoniam, *c. sunt nonnulli. caus. 2. q. 1. c. ordinationes. cap. per impositionem de Simon. C. tuam, de etat. & qual. Guymier. d. lo. pag. 439.*) Sive de Civili. *d. Nov. 8.* Nemo enim suffragio ad honores promoveri debet, sed labore & virtute sua eo pervenire, *d. l. 1. C. de offic. magistri officior. ut quod gratis suscepit, gratis etiam obeat. Novell. 29. cap. 2. vers. cumque gratis (quæ verba ex illo Christi hausta sunt, Matth. 10. vers. 8. gratis accipitis &c.)* & ne occasione suffragiorum, sive datæ pro officio pecuniæ nomine magistratibus Imperii subditos, quasi mancipium aliquod, à vendentibus suffragatoribus coëmere videantur. *Novell. 29. c. 2. & d. in apparat.* Verissimè enim Alexander Severus dixit: Eum qui patitur mercatores potestatum, damnare eos non posse: Cum erubescendum illi sit, si puniat illum hominem, qui vendit, quod emit. *v. A. Lamprid. in ejus vita. Et plurimas rationes alias apud allegatos Hilliger. 17. D. E. 7. lit. 2.*

16. Rectè ergò Pacius in *Anal. f. h. t. num. 5. vers. 4.* Inter requisita suffragii recenset, ne magistratum provinciale, vel officium defensoris, vel simile quid contineat. Has enim nundinationes etiam antè Justinianum successores nostrorum Imp. Theodos. & Valentin. taxaverant *in l. ult. C. ad L. lul. repet.* quæ tam dare, quàm accipere præfides vetantur; & tam adversus dantem quàm accipientem quadrupli poena constituitur. Cujus Constitutionis cum Novellam 8. imitationem quandam, Cujacius esse perhibeat, *in comm. ad d. Nov. 8. & pro-*

& proinde hęc ex illa L. ultima esse interpretandę: Rectę iterum & per bonam conseq. inferemus prohibitionem *Novel. 8.* tantum ad Magistratum suffragia, & quę consequendę potestatis causa dantur; pertinere: (Quomodo & Gręci censuere, qui in *Eclog. Basil. lib. 6. tit. 1. c. 115.* summam ejus ita expresserunt: *διαλαμβάνει γάρ περὶ τῆς χάριτος ἡ δόσις γινέσθαι τῆς ἀρχόντας.*) nec ad alias causas, pręterquam L. expressas extendendas esse: *Vti post excusam priorem hujus disquisitionis paginam, etiam statuisse deprehendimus, Dn. Meterum de reb. credit. thes. ult. fin.* Sed de his hactenus: nunc ad alia progrediendum est.

17. Similiter autem excipienda est hoc lo. *l. decis. rescripto principis*, cujus refricandę causa, nominatim etiam prohibitum est, exquirere suffragium: quin is, qui ambire suffragium ejusmodi fuerit conatus, in totam litem assumptionem adversario condemnandus est. *juxta l. supplicare 2. C. ut lit. pend. ad quam v. Emund Merill. 2. observ. 7.*

18. Fortę etiam excipiendum est crimen Majestatis & alia ex atrocissimis: Nam cum intercessio simplex etiam vetita esse videatur, *l. 5. §. 2. ibi: apud nos intervenire tentaverint. C. ad L. Jul. Maj. Decian. 7. tr. crim. q. 47. n. 8.* Ita ut deprecatores pęnę in principis indignationem aliquando incidant, quod *Henricus IV. cognatus Bironii pro eo intercedentibus exprobrasse legitur apud Thuan. lib. 128.* quomodo indignationem non incurrat, qui pretio suffragium vendidit? *arg. l. 1. §. 3. de salumniat. v. Farin q. 118. n. 28. & 29 Wesenb. parat. de abolit. n. ult.*

19. Extra has veró causas infinita sunt desideria tam peregrinorum quam civium, quę principi cõmendari, etiam sub spe redhostimenti, honestę possunt. Latissimę enim patet vocis hujus ambitus & tam publica quam privata desideria continet. Ita olim desiderabant Asiatici ab Antonino Augusto, ut Proconsuli necessitatem imponeret. Asiam per mare ad eũdi & in Asia primam attingendi τῶν μνησπολιῶν ἑφεσον seu inter matrices urbes Ephesum: (neq; enim necessarium est, ut cum D. Gothofr. mutemus lectionem & scribamus, τὴν μνησπολιν: cum vox ista non planę καὶ ἑξοχὴν sumatur, sed insigniores urbes, quarum in Asia plures fuere, respiciat. *Bachov. ad istum loc. in comment.*) Eorum desideriiis, per amicum haud dubię hominem principi commendatis, Imp. satisfecit in *l. observare 4. §. ingressum 5. de off. procons. & legat. conf. l. omnia 11. de off. pres.*

20. Privata desideria vel ad viam Justitię vel gratię collimant. Justitię, puta promovendę, si res a ministris aut judicibus inferioribus in longum trahatur. *fac. l. 1. §. 2. de postul. l. libertus 15. de injus. voc. l. si & re 22. de hered. petit. l. propter 4. ibi desiderio postulantium C. de duob. reis l. ult. C. ut lit. pend. aut opprimantur miseri l. 9. §. observare 5. de off. pres.*

*l. si quis 5. §. 2. de agnos. & alend. lib. tum GRATIA in civilibus & criminalibus causis impetrandæ. Nominatim (quod & singulariter, tum pro conservando hujus legis vigore, tum pro ejusdem limitatione notandum.) Commendare etiam licet alios ad honores potestatis expectes: sic advocati fisci possunt, cui velint, à principe impetrare dignitatem clarissimatus & epistolas, quibus ea dignitas approbatur. *l. 6. §. 1. C. de advoc. 1* (quomodo hodiè diplomata Nobilitatis, Comitivæ Palatii, Exemptionis, protectionis & c. intervētū aulicorū solēt impetrari.) Possunt iidem Jure Justinian. singulis annis binos offerre principi, inserendos præsentibus domesticis, id est, militibus ad custodiam principis deputatis, *l. restituenda 6. §. licentiam 3. C. de advoc. div. jud. 2. ubi Pac. in anal. n. 25. vers. ult.* qui præsentiales dicuntur idē, quod in comitatu principis sint præsentēs & assidui. *C. A. de postuland. th. 5 4. §. ultim.* In criminalibus *v. cap. felicis. 5. de pœnit. in 6. post. med. vers. verum talis.* desiderata restitutio ab exilio sæpe legitur suffragante amico impetrata. *Corn. Nepos. Alcibiad. c. 5. vers. 4. Thuan. lib. 134.**

forma.

21. Hæc & generis ejus complura alia ut commendari Principi aliquando publicè interest: Ita præmium laboris ab ejusmodi suffragatione sumere aut expectare nullibi est prohibitum. *conf. C. A. de donat. th. 8.* Illud saltem agendum est suffragatori, ut postquam aliquis ferri sibi auxilium postulaverit, *h. l. un.* seu adjuvari se suffragio ejus petierit, *arg. l. 2. §. 2. ad SC. Vellei. l. 12. §. 2. Quod metus causa.* (Ingerere enim sese, turpe & probrosum esset. *l. 25. de procurat. l. 21. §. ult. ex quib. caus. maj.*) & ipse vicissim à cliente honorarium aut receperit aut stipulatus fuerit. (Aliàs enim nihil exigere postea poterit. *h. l. un. pr. ib. se sponsione constrinxerint. & ibi promissa restituant. d. disp. seq.*) Tum, inquam, suffragatori opera danda est, ut susceptam promissamque suffragationem & commendationem præstet peragatq; *bona fide*, captatis temporum articulis (ut molles aditus, & mollia tempora norit) veluti si princeps à venatione, peregrinatione, à vino, ab Epulis venerit, atq; ut fieri poterit, dum hilarior fuerit atque alicujus compos voluptatis, otiiq; factus: ut enim animum invenies, talem ferè petitio eventū fortietur. Omnia apud turbidū turbida sunt; ut etiam facillima difficillima reddantur, *quibus verbus suum informat legatum Fr. Marselaer lib. 2. c. 38.*

22. Imprimis autem *sine fuce*: ne alioquin ipsi contingat, quod aulico illi Imp. Alexandri de quo Lampridius in vitâ Alex. Severi in hæc verba scribit: cum quidam Turinus suffragium apud Imperatorem promississet atque pronuntiasset. se Imperatori quidem dixisse, (cum nihil dixisset) sed in eo pendere, ut adhuc impetraret, furnum

hoc

hoc pacto vendens: Alexander iussit hominem accusari & ad stipitem
ligari, fumoq; apposito ex stipulis atq; humidis lignis necari, superin-
dicente præcone: fumo punitur, qui fumum vendidit. *ref. Gulken. h.* Vel
ne illud saltem experiatur, quod non nemo apud Vespasian. qui per
mendacium principi alium tanquam fratrem commendabat, eique
hoc nomine dispensationē à principe petebat: Ingeniosissimus enim
princeps artes istas præsentens, suffragatorem quidem distulit, quasi
deliberandi spatium quærens: Interim verò candidatum ipsum ad se
vocavit, exactaq; pecunia quantam is cum suffragatore pepigerat, si-
ne mora eum ordinavit: suffragatori & præmium præcipiens & pu-
dorem incutiens; His salibus interpellantem ministrum postea per-
fricans: Alium tibi, ait, quære fratrem: hic, quem tuam putas,
meus est. *v. Sueton in Vespasian. cap. 23.*

23. Est etiam principis, non citò credere suffragatoribus; sed sem-
per diu quætere quod verum sit. Exemplo M. Ant. Philosophi, de quo
hæc verba enuntiat Julius Capitolinus *in eius vita circa fin.* Nimia enim
credulitas facillimè circumvenitur. *l. nimia. 11. C. de O. & A.*

24. Quod si suffragium ab honestis principis amicis susceptum,
in causis æquis & legitimis, eo quem designavimus (primis lineis &
velut in *συγγραφία*) modo, interpositum fuerit: *salutare* illud erit in-
primis clienti, dum is iusti desiderii compos futurus est: *honorificum*
principi, dum liberalis, benefici, magnanimi aliaq; elogia merebitur,
animosque hominum magis sibi devinciet: (quod unum est in expu-
gnabile principatus munimentum. *Senec. lib. 1. de Clem. c. 9.*) Paratissi-
mos etiam habiturus est parastatas, & patientes moræ, si stipendia quã-
doq; quæstura tardaverit. Denique *utile* & proficuum suffragatori,
qui pro merito laturus est à grato cliente, post impetrata desideria
præmiū. Quod in suffragatorem conferri à lege divina alienū non est,
arg. Luc. 3. v. 14. Rom. 13. v. 6. Multo minus ab humana *h. l. un. l. 1. & r. r.*
extr. de var. & extr. cognit. l. 1. C. Mandat l. 6. §. 3. C. de postuland. Consue-
tudini autem & ingenio aularum, ac planè humanis desideriis est
convenientissimum.

25. Et cum munera ejusmodi exigant advocati, procuratores, pro-
xenetæ, quorum opera quandam cum suffragatione habet ad finita-
tē; cur inter piacula numerabimus si eadē recipiat suffragator. Quã-
quam ab his omnibus discerni iste potest. Ab avvocato quidē (1) *cau-
sis, objectiva & form.* Advocatus enim ferè tantum ad causas litigiosas
in foro tractandas & perorandas vocatur. *l. 11. inf. C. de advoc. 1. v. Wes.*
*in parat. ff. de procurat. ibi: patronus autem navat operam singularis doctri-
ne: suffragator ad quascunque alias: v. th. 17. in aula, principi aut ma-
gnatibus.*

Finis &
effectus.

Affinia;

gnatibus commendandas. d. l. un. (2) Adjunctis: Ob illam enim operam
advocato debetur salarium etiam citra conventionem. l. 1. §. in honora-
riis. de var. & extraord. l. 5. §. 1. ubi lac. & Dd. de præscr. verb. idque ei debe-
tur etiam si desiderium clientis non obtinuerit. l. ult. inf. C. de conduct.
ob caus. dat. Neque tamen illud in singulis causis excedere summam
100 fl. debet. d. l. 1. §. si cui cautum. Quæ omnia secus se habent in suffra-
gio. Opera enim suffragatoris, provisum à lege non habet honorariū;
nec definitam quantitatem; nec exigi potest, nisi desideriiis potitus fue-
rit cliens: ut altera disp. dicitur. v. interim Donell. ad hanc l. un. inf.

26. Differt etiam opera procuratoris ab hac suffragii causa: Pro-
curator enim Mandato constituitur ab eo, qui princeps & principa-
lis est negotii. l. 1. pr. & l. 8. §. ult. de procurat. & obligatum habet proci-
ratorem si susceptam operam præstare cum cura superfederit, l.
31. l. 42 §. 2. de procurat. ubi C. A. th. 99. Suscipitur autem à procuratore
gratuitò §. ult. l. de Mandat. daturq; ei in dominum actio contraria de
his quæ impendit l. 30. & 31. de procurat. l. qui mutuum. 56. §. ult. Mandat.
At suffragator precibus potius & pretio clientis, h. l. un. ubi postulave-
rim, & ibi: ob referendam vicem, invitatur & permovetur, ut suffragium
promittat: nec ulla cliens illum actione potest pulsare, si in præstan-
da commendationis opera negligenter fuerit solutus: eo maxime ca-
su, quo nihil dedit suffragii nomine, sed tantum promisit: Nam si quid
dederit, & suffragatio non fuerit interposita, vel effectum non ha-
buerit, conductio locuserit d. disp. altera.

27. Denique non conciliat suffragator, invicem contrahentes,
quod proxeneta officium est. l. 3. de proxenet. sed gratiam principis de-
rivat in clientem non tractatione & pararia operâ: sed intercessione
& favore voti: l. un. pr. h. ubi ferri suffragium. Nec extra conventionem
præmium suffragii expectare potest: prout quidem proxeneta phi-
lantropium. l. 2. de proxenet. cognitione extraordinaria, jure suffragan-
te persequitur.

Contraria.

28. Contraria ex causis suprâ traditis possunt colligi: Inpri-
mis adversatur juri suffragationis aut causæ qualitas, quæ impro-
bam reddit suffragationem. arg. l. 6. §. ult. Mandat. ut quia jure prohibi-
ta est foveri patrociniis: talis itemq; dolus, depectio. l. Titius 36. ubi Dd. ad
Municip. sycophantia & concussio l. 3. de Var. & extraord. cogn. Et ex
altera parte clientis ingratitude: de qua elegans historia videri potest
apud Hubert. Thom. Leod. lib. 2. annal. de vita Friderici II. inf. & di-
cendum erit plenius in secunda parte: quando quidem ob instantem
profectionem eam operæ partem, quæ quidem potissima est,
pertexere nunc non licet Respondenti.

06 (0) 90

2

ULB Halle
005 714 745

3



VD17







EXPOSITIO PARATITULARIS,
CUM INTELLECTU NOVO
& singulari, L. un. C. d. Suffragio,

In quâ precipuè agitur

164077

17
10
8

DE
SUFFRAGATORUM

OPERA ET REMUNERATIONE,

VULGO DICT. AFFECTIO NGELDE/

CUJUS

PARTEM PRIOREM

PRÆSIDE

DN. JOANNE OTTONE TABORE, J.U.D.

IN FLORENTISSIMA REIP. ARGENTORATENSIS

Academia Professore Publico, Præceptore suo

atq; patrono, omni honoris cul-
tu prosequendo,

Publicæ disquisitioni

(2 1/2)

In auditorio Jureconsultorum ordina-
rio exhib.

ANDREAS BRACKENHOFFER,

Argentoratensis.

Ad diem Febr.



ARGENTORATI.

Typis JOHANNIS REPPIL.

ANNO M. DC. XL.